



2016KO MARTXOAREN 4KO TOKIKO GOBERNU BATZARRA

Lazkaoko Udaletxean, bi mila eta hamaseiko martxoaren lauan, arratsaldeko ordu bi eta erdietan, Lazkaoko Udalaren Tokiko Gobernu Batzarra biltzen da, aurrez honetarako deialdia egin delarik, Felix Urkola Iriarte Alkatearen lehendakaritzapean. Bertaratutako zinegotziak honako hauek dira: Ane Irastortza Izagirre, Aitor Altuna Oiarbide, Joseba Imanol Aran Barandiaran eta Marian Zufiria Apeztegia.

Idazkari lanetan Iñaki Eskisabel Zurututzak dihardu.

I.- AURREKO AKTA.-

Alkateak bilkurari hasiera eman ondoren, bertaratutakoen onespenera aurkezten da 2016ko otsailaren 19an egindako bilkurako akta, idatzita dagoen moduan onartzen delarik.

II.- FAKTURAK.-

Ondoren Udaletxera azkenaldi honetan etorri diren fakturak aztertzen dira. Aztertu ondoren 2015ko ekitaldiko aurrekontuari dagokion 116 zbk.dun fakturen zerrenda, bere espedientearen dagoena, BI MILA ETA BI EURO ETA LAUROGEITA LAU ZENTIMO (2.002,84 €)takoa eta 2016ko ekitaldiko aurrekontuari dagokion 10 zbk.dun fakturen zerrenda, bere espedientearen dagoena, EHUN ETA HOGEITA HAMA ZAZPI MILA ZAZPIEHUN ETA HOGEITA BI EURO ETA HOGEITA BOST ZENTIMO (137.722,25 €)takoa onartzea erabakitzen da.

III.- HEZKUNTZA ETA EUSKARAKO DIRULAGUNTZAK.-

Hezkuntza eta Euskarako Batzordeak aurkeztutako proposamena aztertu ondoren, Gobernu Batzordeak honako erabaki hau hartzen du:

Gerriko Liburudenda.- 2015eko abenduaren 18, 19 eta 20an egindako liburu eta diskoen azokan saldutakoaren %15eko balioaren pareko diru laguntza ematea. Guztira BI MILA BERREHUN ETA HIRUROGEITA ZORTZI EURO ETA BERROGEITA HAMABOST ZENTIMO (2.268,55 €).

IV.- KULTURAKO DIRULAGUNTZAK .-

Kultura Batzordeak aurkeztutako proposamena aztertu ondoren, Gobernu Batzordeak honako erabaki hau hartzen du:

Zawopi Taldea.- 2015eko eguberrietako jaiotza biziduna, errege kabalgata eta Astotxo Eguneko ekintzen antolaketagatik HIRU MILA LAUEHUN ETA LAUROGEI EURO ETA HOGEITA HIRU ZENTIMO (3.480,23 €) ematea.

Lehen 2.500 € aurreratu zitzaenez orain ordainduko zaien kopurua BEDERATZIREHUN ETA LAUROGEI EURO ETA HOGEITA HIRU ZENTIMO (980, 23 €) izango da.



V.- EMAKUMEEN EGUNAREN INGURUKO ADIERAZPEN INSTITUZIONALA .-

Jarraian, martxoaren 8an emakumeen nazioarteko egunaren aurrean EUDELEk bidali duen adierazpen instituzionala aurkezten da Tokiko Gobernu Batzordera bere onarpenarako.

Onarpena aurkezten den testuak honela dio:

"Udalerrri eta Eskualdeetako Gobernuak bat egin dute Emakumeen eta Gizonen arteko Berdintasunaren alde, Europan eta Munduan"

Europako Udalerrri eta Eskualdeen Kontseiluko (CCRE-CEMR) Gizonen eta Emakumeen arteko Berdintasuna Tokiko Bizitzan Sustatzeko Batzorde Iraunkorrek adierazi du emakumeen eta gizonen arteko berdintasuna funtsezko eskubidea eta oinarritzko balioa dela demokraziarentzat. Tokiko eta eskualdeetako gobernuak herritarrengandik gertuen dauden esferak dira, eta, hortaz, esku-hartzerako maila garrantzitsuak dira oraindik ere dirauten desberdintasunei aurre egiteko eta emakumeen eskubideak Europan eta mundu osoan sustatzeko.

Emakumeen Nazioarteko Egun honetan, 2016ko martxoaren 8an, tokiko eta eskualdeetako gobernuen ordezkariak helburu hauen inguruan elkartu dira:

- Gogoratzea demokrazia ezin eraiki daitekeela emakumerik gabe, eta, horrenbestez, beharrezkoak diren neurriak hartu behar direla, maila guztietan -tokikoa, eskualdekoa, estatukoa eta Europakoa-, emakumeek eta gizonen parte-hartze berdina izan dezaten erabakiak hartzeko prozesuetan;
- Emakumeen eta gizonen arteko berdintasuna gure balioen eta europar gizartearen oinarritzko elementua dela bermatu dezatela eskatzea estatuetako gobernuari eta Europako instituzioei; beraz, elementu horrek agenda politikoaren erdigunean egon behar du, eta politika eta lege garrantzitsu guztietan txertatu behar da;
- Berdintasunaren aldeko konpromiso formal bat hartu dezatela eskatzea Europako hiri eta eskualde guztiei, CCRE-CEMRk 2006an plazaratu eta dagoeneko 1.500 hiri eta eskualdek baino gehiagok sinatu duten Tokiko Bizitzan Emakumeen eta Gizonen arteko Berdintasuna Lortzeko Europako Gutuna sinatzearen bidez;
- Berdintasuna eskualde eta toki mailan sustatzeko neurri politiko konkretuak hartu ditzatela eskatzea Gutunaren sinatzaileei, CCRE-CEMRk Behatoki honen bidez eskura jartzen dituen tresnak erabiliz, estatu bakoitzean tokiko eta eskualdeetako gobernuari ematen zaizkien botereen arabera; eta horren inplementaziorako beharrezkoak diren finantza eta giza baliabideak eskaini ditzatela.
- Emakumeek XXI. mendean pairatzen jarraitzen duten indarkeria salatzea: bizitza pribatuan zein publikoan emakumeen aurka zuzentzen den indarkeria forma guztiei aurre egin behar zaie eta ezabatu egin behar dira, honako forma hauek barne sartuta: emakumeen trafikoa, sexu-esplotazioa, etxeko indarkeria eta giza eskubideak urratzen dituzten gainerako ekintza guztiak;



- Genero-indarkeriari aurre hartzeko eta horren biktimak babesteko eta laguntzeko politika eta lege bateratuak sortu ditzatela eskatzea estatuetakoa gobernuei eta EBko instituzioei. Emakumeen aurkako indarkeria eta etxeko indarkeriari aurre hartzea eta haren aurka borrokatzeari buruzko Europako Kontseiluaren Hitzarmena (Istanbulgo Hitzarmena) berretsi dezatela eskatzea gobernu nazionaleri;
- Kontuan hartzea gerra eta jazarpenetik ihes eginda gure hiri eta udalerrietara iristen diren errefuxiatuen artean dauden emakume eta haurren behar espezifikoak; beharrezko harrera eta arreta ziurtatzea, eta era guztietako indarkeria eta diskriminazioa eragozte;
- Maila globalean elkarlanean aritzeko borondatea erakutsi dezatela, Nazio Batuen Erakundearen 2030eko Agendaren 5 Helburuak lortzeari begira, horrek xedetzat hartzen baitu emakumeen aurkako diskriminazio forma guztiak ezabatzea."

Aran zinegotziak (EH Bildu) esaten du aurreko osoko bilkurarako beraiek mozio bat aurkeztu zutela eta mozio horrek presazko izaerarik ez zuela eta, eta ez eztabaidatzea erabaki zela, eta orain hau aurkeztea ez zaiela egokia iruditzen. Gehitzen du beraien mozioa hor dagoela eta hori bere alderdiko bozeramaileekin edo hitz egitea nahiko lukeela.

Alkateak erantzun dio mozioa eta hemen aurkezten den testua bi gauza ezberdin direla iruditzen zaiola.

Aran zinegotziak esaten du testuaren aurka ez daudela baina alde ere ezin dutela bozkatu eta abstenitu egingo direla.

Guzti honen ondoren, bozketa egiten da eta Tokiko Gobernu batzarrak, aldeko 3 boto (EAJ), aurkako botorik gabe eta bi abstentzioz (EH Bildu) adierazpena onartzea erabakitzen du.

VI.- BILERAREN AMAIERA.-

Eta eztabaidatzeko beste gairik ez dagoenez, Alkateak bilera amaitutzat jotzen du, arratsaldeko hirurak eta hogeita zortzi direnean nik, Idazkariak, guztiaren akta jaso eta ziurtatzen dudalarik.

